

甲



靜脩先生文集卷之八

容城劉因夢吉甫著

七言絕句詩類

臘盡

小雪初晴臘盡時無窮
梅柳怨開逢人間不覺春來
早只有吾家布被知

讀史評

紀錄紛已失真語言輕重在詞臣
若將字上論心術恐有無邊受屈人

試筆

青竹文集 卷之八 一百一
得意好蒼開易落惱人芳草燒還生亂多治少君知
否陰偶陽竒理自明

山中客夜

鞍馬南州五日程豈知物外有茅亭塵埃暑困人如
醉月露夜涼天亦醒

抱陽南軒

下瞰縣崖老木稠輕風毛髮散涼秋蒼苔白石夢初
覺霽月踈雲山欲流

喜雨書事

雨晴物物自生春喜氣浮空似有紋吾亦乾坤物中

一相看草樹共欣亡

前日南湖枕白雲蛙聲每歇靜中間今朝便覺笙歌
上為是多年不聽君

九日九飲九首擬橫渠元日十詠体

一飲君聽第一歌誰知此際見天和醉鄉開物功夫
密春意空深尚未多

二飲重賡第二歌春風毛髮欲婆娑寸心又到欣然
處莫恠山人語漸多

三飲山人咲且歌羲皇相去已無多舉杯為向諸君
道自此光陰柰樂何

四飲須歌第四歌山人未醉覺顏酡屬君輕摘黃花
露滴向杯心生小波

五飲初喧四座歌黃花滿意入紅螺人間此樂知無
復魚鳥聞聲亦太和

六飲相將醉景過令嚴斟淺欲如何秋香正滿黃花
萼宜與南山細拊摩

七飲人驚飲量多兒童休唱接籬歌青山一帽千年
在只恐西風不柰何

八飲人驚飲量過劇談不記竟云何杯中正有春風
在無柰蕭蕭落葉多

九飲蒼崖藉翠藁江山搖落柰吾何乾坤閉物胚胎
蜜中有山人第九歌

山行

西崦人家竹映溪山濛雨暗到來逢行窮谷口水才
見流盡岩花春不知

銅雀瓦硯

諸侯負漢已堪憐直筆何為六魏編却愛曹瞞臺上
瓦至今猶屬建安年

春曉

要看東風氣象新登臨何處不尋春今朝烟雨細如

青脩文集 卷之八 三
二百四十三文
霧生意空濛画得真

以杖畫雪偶成

玉華銀色皓無瑕方寸居然得故家雲重風輕晴不
快暮寒覺比晚來加

山人圖 三首

千古誰傳海上山坐令人主殿塵寰蓬萊果有神仙
在應悔虛名落世間

雲海蒼茫去復還人間此日是何年平生慣見秋風
客只許汾陽會曾然

悵望皇墳寂寞中何從事跡得空同可憐千古稱黃

老誰識當年力極功

春景

病餘身世淡無情但覺春來暖漸生送客出門花已
謝問知昨日是清明

講學而首章二首

有樂如從天上来春風過處百花开政教萬木夜僵
立何害孤根暖獨回

人將知我亦何從天在吾家度量中此語誤人君勿
信我心無愠本冲融

講八佾首章二首

以忍傷肌手自危割餘痛切不勝悲心同義理元無
間從此俱看未忍時

生意條然不遂春根株盤屈欲輪囷向前枝葉頑然
了自此乾坤屬不仁

講周而不比章

義理育中好惡真初非由已與由人混然生意流行
在惟有枯榮不變春

講人之生也直章

朝經一柰國風沉人道方乖鬼境侵生理本直宜細
玩著龜千古在人心

驕吝

昨日溪山興未闌今朝二女共高寒施仁便解驕妻
妾乞態當從此際看

講求仁得仁章二首

山下食薇老興便荆南採藥此心全乾坤月慘烟愁
外留我義皇萬古天

荆棘埋香死不禁清泉芳徑愜幽尋移花旋看新生
意方識西山忍餓心

一元

萬古堂仁共一元欲於何處覓天根試從閉開中間

看始覺乾元獨自尊開物之沒有亥開物之前有丑惟子正在開閉之中其象可見

新居

雪擁閑門儘未除小齋人遁似禪居年來日曆無多事只有求方與借書

今月

今月柴關幾客來擬從履齒數莓苔求文道士花前至載酒門生雨後回

采栢圖

翠袖重將栢子熏一般心苦為思君思君不為山中苦為說山中有白雲

采藥

黃精著雨宜淚斫栢子經霜可爛收莫道遊人渾懶散一年忙處是汲秋

堯民三首

分得堯天一握多百年安樂邵家窩情知弄月吟風手不扣南山白石歌

風氣初開理漸融畫圖猶見帝無功意長世短成何事誰及乾坤再日中

平生喜作許東鄰百過摩挲畫本昏聞說詩人多感慨且休持送鄭監門

蕤風圖

畫裏春風在眼前詩中雅意若為傳憑誰更譜絃歌
了細味周家八百年
推願將身入画中野人何敢夢周公一區共買橫渠
上儘有新詩續正風
采風千古自觀風十室誰言九室空寄語當年長樂
老回頭無忘聶夷中

觀梅有感

東風吹落戰塵沙夢想西湖處士家只恐江南春意
減此心元不為梅花

山家

馬蹄踏水乱明霞醉袖迎風受落花恠見溪童出門
望鵲聲先我到山家

溪上

坐久蒼苔如見侵携筇隨水就輕陰松風自厭灘聲
小雲影旋移山色淡

偶書

蚤割舊脾花又發泥生新雨燕方還一瓢有分吾自
足萬事勞生誰獨閑

西郊

偶因訪客出西城一色寒蕪滿意平行過溪橋
力招來野老問山名

夏日

庭戶無人綠滿苔
巡簷繞砌菜花開
酒醒夢覺日將
午蜂學遠山風雨來

早秋

昨朝一葉見秋生
今日千巖萬壑清
欲借西風蕪病
骨暫來石上聽松聲

春盡

草閣垂簾晝掩扉
客來知我出門稀
鳥鳴淡與人相

對花落方知春已歸

寒食道中

簪花楚上歸寧女
荷鍾紛上上塚人
萬古人心生意
在又隨桃李一番新

行樂有感

未言先嘆少知音
有客每憂無可人
偶到堦前見芳
草乾坤何物不歸春

故園寒食

清明酒熟老人醉
拜掃歸來壯士耕
此是吾家舊寒
食只今惟有故鄉情

宿山寺

四面雲山消百憂一方禪榻有真游月明夢覺不知
夜雨過風生渾是秋

感事

高天厚地古今同共在人形視息中四漠堂上皆漢
土誰知流淚在金銅

廢園

踞傍雙石立崔嵬曾見游人絕往來想得當年金盛
日好山橫處盡樓臺

記夢

眼中天變暗星文脚底雷轟震寢門領取天公仁愛
意此心存處更存存

己卯九月二十八日夢過先妣墓得詩覺而忘
其第三句因足成之

只應老母心酸處還似孤兒淚盡時留在此身成空
事回頭二十四年悲先母下世今
二十四年矣

己卯元日二首

西湖泣血夜將分感激無如此念真四十頭顱今日
數悠七歲月屬何人

文廟秋風默坐時慨然千古入沉思許身尚省初心

在道在而今竟似誰

庚辰元日二首

九齡風骨渺翩七解道沉河觸泰山還使當年見今日也應拍手咲癡頑

曾記西湖酒一卮乾坤和氣入新詞六年未盡米霜

怨又到春風滿面時

乙亥所作詞有春風花柳消尽米霜成怨之句

下山三首

峻嶺崇岡儘意登要收景致入高明下山却向山頭望始覺從前險處行

翠霞騰暈紫成堆收盡雲烟酒一杯想見浮嵐在眉

宇人人知道看山回

十載烟霞望我淚豈期今日恣登臨此行知有詩多少還盡山靈未了心

戲判遊山詩卷三首

不解烟霞調戲君強相詩思與山親苦吟共道西遊樂林鳥岩花恐咲人

心境無邊萬象新直須泉石離風塵區々等為紛華後未分膏肓是達人

登臨有法莫相誣絕壑縣崖不信渠十步回頭五步坐窓間眉黛咲君愚

漫記三首

夢覺闌頭夢已空此時方識樂無窮
便將富貴浮雲比恐落華歆一擲中

醉知避客猶存禮死不忘骸尚有身
一自坡仙生一

轉浮虛十陪晋朝人坡謂劉伶豈知忘死未忘骸謂淵明醉中對客元何害

安樂名窩有真賞打乖非是要安身
坡仙便道學瘖

啞負殺圍中獨樂人打乖非是要安身道大方能混世塵又云時至時行皆有命先

生不是打乖人明道安樂窩詩也拊掌笑先生年未學瘖亞東坡獨樂園詩也

草亭睡起

萬古乾坤一草亭淡然相對靜儀形
釀成碧酒客難

得生出白雲山更清

寒食出郭

衣冠不似逸人高容貌初無達士驕
裏騎牛過山

北傍人不信是漁樵

即事

晒罷空庭藥果收閉門無睡却梳頭
過門幾點黃昏

雨分與蟲聲半霎秋

冬曉

歲寒心事在蒲團清曉開簾試一觀
禾稼乍迎紅日

影依稀學似杏花殘

可庵

莫道無衣不可身更從裘葛辨冬春惡人不可惡人可等秤無星恐誤人

許由棄瓢圖

堯天萬古大無鄰何地容君作外臣莫占箕山最溪處後來恐有避秦人

癸酉書事

嬌兒索粟一錢空怪見家人不忍中我不怨天貧賤我吾兒自合享吾窮

米元章雲烟疊嶂圖二首

筆勢或傳是阿章短屏山影露微茫苦心只辨雲烟好不抹人呼作米狂烟影天機滅沒邊誰從豪末出清妍畫家也有清談弊到處南華一嗒然

宋理宗南樓風月橫披二首

試聽陰山勅勒歌朔風悲壯動山河南樓煙月無多景緩步微吟奈爾何

物理興衰不可常每從氣韻見文章誰知萬古中天

月只辨南樓一夜涼

理宗自題絕句其上有併作南樓一夜涼之句才到天中萬國

明宋太祖月詩也

爭有之集

東坡先生集
卷之八
十二
二百六

援春

道邊殘雪護頽墻
墻外柔絲露淺黃
春色雖微已堪惜
輕寒休近柳稍傍

題枯木怪石圖

物有常情最柰看看時
容易畫時難
竒峯怪石驚人眼
誰信丹青解熱慢

酬馮真者

自覺形骸已枯槁
何從眉宇尚豪英
筆頭慣畫麒麟像
乍寫山翁似手生

夢中題吟風亭壁

不拆寒為雪已謝
重開兩借恩
一種是蒼元不異
多由天氣少由根

題秋景扇頭

嵐光蒼翠山遠近
木葉青黃霜重輕
萬里晴天秋著色
不曾慘淡入經營

月下

桂華涼冷澍風鬟
灑露一天恹意閑
不記醉中呼李白
傍人咲道是人間

金太子允恭墨竹二首

墨竹猶堪驗一班
金源文物見當年
博山烟暖春闈

靜卻咲承乾嗜好偏
手澤明昌秘閣收當年緹襲為誰留露盤流盡金人
泪應恨翔鳶不解愁

遊隱山亭二首

十年種木望成陰及至成陰礙山色幾欲斫去心所
憐安得高堂數千尺

山翁一去不復返亭下幽花空自開慙愧茅簷雙燕
子飛鳴猶喜故人来

顏曾二首

陽光浩蕩歛秋容陰景没沉暖漸融萬古顏曾留意

象洪爐春滿聖門風

剪冰成雪舊知冰搏雪成冰見未曾到
應春風同一貫要從山地識顏曾
顏愚德曾象贊

雜詩五首

老兔雖雞自有春壺冰澈應照来真驢鳴畢竟渠皆
聽解識天機得幾人

水華庭草思悠然風月瀛溪有正傳二十四年成主
薄已知随柳過前川

天教觀物作閑人不是偷安故隱淪要識邵家風月
興一般花鳥華山春

青竹文集 卷之八 十一 二百八十字刊
寒氣常侵一半春詩家道躡說來真不教曉入雄鷄
口誰喚南窓打睡人

湯鼎石壇老眼親陰陽誰見屈中伸年米併識顏家
樂十月天教薺麥春

癸酉新居雜詩九首

一時賓主記從容萬古風流在洛中未敢空中望康
節且從實地學溫公

邢恕無端尚可優朱王那肯渡蘓離程門萬古春風
在百草千荅得自由

野店襤衫蓋世雄徂徠几杖列兒童平生自恨無師

友千古空聞地下風

一語希文鑄大儒太山終了又橫渠紛紛諸子燈前
寢未管春風朽木蘓

樂事相關禽對語生香不斷樹交春程家若要觀生
意却恐鳶魚畫不真

野色更無山隔斷天光直與水相通不須中夜潑思
省卧我高樓霽雨中

牛山昨日恨相忘今日齊苗苦未長會待明年新雨
足功夫留著護牛羊

投詩廁裏紛々口置筆藩間苦々心千古高風一飄

飲不從文字得知音
仲舒不草漢三策韓愈欲成唐一經
三百年來麟未泣不知編簡向誰青

道境

道境相看滿面春平生心事數來真
南山正在悠然處未肯回頭錯應人

漫題

乾坤未覺化機停世態難逃醉裏醒
共見白雲又蒼狗豈知螺蠃即螟蛉

漫記四首

天幙高懸兩部蛙水光山色照黃家
忘情未便真忘得憶竹栽蘆強自誇

我自無行便是截更將何物要韜光
東罽幸有牛溪在卻向長安說醉鄉

百錢破釜發長嘆一局羸棋為解顏
擾七自無安脚處幾人打透利名關
透得利名關便是小歇處見趙

顯卿手簡

應物何嘗累我真禪家怖死強忘身故朝
一讀雍行錄卻笑當年墮甌人

感興七首

江山心境儘風神
弧矢襟期記此身
說與求田卜舍
叟遨遊何必故鄉春

優游千古禍成胎
冷雨踈烟撥不開
卻喜夷吾成霸
業又思漢武亦英材

天理胸中霽歆流
黃浮肩宇酒浮甌
生香似見花交
樹引得游蜂舞不休

霜落江湖水太清
巖上秋色爭上如
一覺南窓
睡門外春風草自榮

功名藉口為蒼生
唐漢英風未易輕
千載興亡舒卷
了區上勲業亦何成

斷簡殘編絕賞音
誰從百鍊見真金
龍門千古遺歌
後更覺良工獨苦心

按劍無人誅武后
斲棺終恨貸朱梁
一杯爽氣迎秋
隼何處雲山是致堂

書事 五首

當年一線魏瓠穿
直到橫流破國年
草滿金陵誰種
下天津橋畔聽啼鶻

卧榻而今又屬誰
江南回首見旌旗
踞人遙指降王
道好似周家七歲兒

朱張遺學有經綸
不是清談誤世人
白首歸來會同

青仙文集 卷之八 二十七 二百六十五字
館儒冠爭看宋師臣

風節南朝苦不伸
泝流直要到崑崙
世宗一死千年
欠此是黃河家上津

唱澈芙蓉花正開
新聲又聽採茶哀
秋風葉落踏歌
起已覺江南席捲來

試筆

眼花不見羲之俗
口快爭言杜甫村
擬欲鑿山截此
筆高情千古約重論

讀史

中才隨世就功名
恰似焦桐爨下鳴
到底中郎唯兩

耳人間多少不平聲

讀史謾題

眼底權奸漢室空
伯喈文與亦才雄
王畿廟号關何
事亦在區上論建中

梁甫吟

功名且就漢庭多
畢竟曹瞞累我何
汝上千年英氣
在有人梁甫正高譌

寫真詩卷 三首

龍祠岳廟盡冠巾
雨露何關土木身
不是二程窮物
理誰從一髮辨天真

彼此相懸一髮邊
聖賢廟貌幾千年
周郊白有園丘在
莫道金人便是天
共說雲雷起盡龍
聲容誰道影堂空
含糊若信俗儒論
已落三家僭禮中

曾默扇頭二首

晉楚英雄管晏才
當時真眼尚誰開
狂生携著魯兒
子獨向舞雩風下來
獨向舞雩風下來
坐忘門外欲生苔
歸時過着顏家
巷說與城南華正開

燕居圖

伊川門外雪盈尺
茂叔窓前草不除
要識唐虞垂拱
意春風元在仲尼居

堯民圖

畢夔遺像凜猶存
更比凌烟意氣真
但使尊前有如此
不慚只作許東隣

許由棄瓢圖

人間洪水正橫波
堂上南風入浩歌
兩耳區區無著
處一瓢孰與萬幾多

夷皓

萬古人心自有堯
直教夷皓怨難消
憑誰移去安歸

青竹文集
卷之八
十九
二百五十字
劉刊
嘆換作康衢擊壤謠

龜蓮圖

龜約蓮香上翠盤
四灵長向畫中看
題詩記我千年恨
風月無聲洛水寒

畫李渤聽德高蹈圖 五首

方寸無窮數上天
豈惟毛髮要是全
臨終一聽曾元語
愈嘆黔婁有婦賢

天意行藏我自知
區々猿鶴亦何為
室無菜婦君休恨
免使狂歌誚仲尼

江湖魏闕有心期
莫恠先生起太遲
寄謝移書韓博

士山妻元不解蹄飢

諸生課罷弄烟霞
紡績乘閑為煮茶
白鹿高風有誰繼
草堂貧女晦菴家

萬里江鷗不易馴
百年我愛隱君秦
歸來匹婦休相咲
老眼真能混世塵

幽人圖 二首

無媒路迳草蕭蕭
山鬼脩篁夢轉遙
手撚幽香意何遠
為誰終日面岩堯

澗響無心和考槃
雲容有意近長安
野猿窺破中霄夢
卻恐山靈不易謾

高卧圖

萬里青山卧平地世間何物是元龍無人說與劉玄
德君在青山第幾重

華山圖

水墨驚看太華蒼夢中千載果難忘三峰雖乞希夷
了應許劉郎典睡鄉

孫尚書家山水卷 三首

扁舟老樹傍蒼崖好似今秋雪嶺遍試問黃塵山下
渡幾人曾為看山來
諸公久矣笑吾貪是處雲山欲結菴只有皂鄉解紫

助畫山真畫靜脩龕

謂皇甫安國

畫圖題品代移文寄謝神州老使君欲乞龍山恐孤
絕南州陰慮且平分

郭氏家山圖

鹿門烟影接隆中翁媪通家社酒紅只有山童最神
駿舊曾床下拜龐公

雲山晚景圖

天機濃淡出巖姿夢境風雲入壯思畫裏青山照白
髮行藏渾似倚樓時

春雲出谷橫披

青竹文集 卷之八 三十一 三百三十九 賓
筆底天機幾許深雲容直欲見無心苦心只許時人
會不為題詩亦未尋

秋山平遠圖

南山千古一悠然誤落閑全筆意邊急著新詩欲收
領已從慘澹失天全

郭熙山水卷

崑姿秋意淡無弦烟影天機滅沒邊更看山翁掩書
坐只應人境兩翛然

李伯時馬

足不能行氣自馳天機深處幾人知世間無物能形

此除我南窓兀坐時

祖愚菴家藏畫冊二 二首

敗荷野鴨

畫裏瀟湘自要秋詩家野鴨謾多愁誠看翠減紅銷
處好稱江清月吟舟

風柳牧牛

遠意昇平畫不勝牛邊烟樹渺層上前頭恐有桃林
路百喚溪童不解鷹

題 理宗詩卷後

已未天王自出師眼前興廢想當時臨江釀酒男兒

青竹文集
卷之八
事誰向深宮正賦詩

里社圖

賦薄徭輕復有秋天恩帝力為誰優老盆醉殺村夫
子盡道今年好社頭
亂後疲民氣未蘇荒烟破屋半榛蕪平生心事羲皇
上回首相看是畫圖

新居

萬事休閑百病身書囊藥裹最相親年來愛與漁樵
話恐有無心失位人

偶書

平生積學連城壁萬古虛名衆口金午睡覺來門巷
靜雨晴風細鴿笙鳴

晝睡

世事悠々莫謾驚直消鼻息幾雷鳴高松似會幽人
意也學鷓鴣枕上聲

睡起

晚醉城南不記回虛簷高枕藉莓苔酒醒涼意消
在應是前山送雨來

客來

老懶相逢口倦開山城無酒慰俳佻家僮使慣知人

青竹外集 卷之八 二十三 二百五十一 貧
意豫設棋枰待客來

對碁

直釣風流人素琴也應似我對棋心道人本是忘機者信手拈來意自深

題樹上

不脫蓑衣睨網回芒鞋隨意趣蒼苔忽聞人語還私笑林外誰呼學士來

名吾山亭

平生心事與山親不忍稱呼作此君亭自屬君山屬我四時風景要平分

憶飲山亭

但得酒同張野飲猶勝事對阮生論它年乞我園亭住便喚西疇下巽村

書田舍壁

里胥初過期無事營幙遲來望有年鄰舍借醕留客宿土床分席枕瓜眠

絕句

今朝客為求文至昨日隣嫌借米移木枕質錢多舊帖看囊不必要新詩

山家

孟氏養親惟小園董生有吏索租錢留詩自媿非韓
杜聊記林宗識子賢

山行遇雨

無邊暮雨暗山前天意人情豈偶然衡岳自能哀吏
部高高元不識伊川

喜雨書事 四首

拍手兒童笑不休咲君前日為誰憂天公自有甘霖
在未管渠儂浪白頭

一笑黃河一度清自緣無物盡歡情今朝久旱雨三
尺消得山人酒滿傾

坐占庭蟻戰餘酣一飽無功益自慚但見人匕厭梁
肉野夫方覺薺苗甘
為驗陰晴看漏星要知踈密候簷聲夜來還却當時
睡不脫蓑衣直到明

即事

雲白天青浩不收雨晴山色欲無秋淡烟衰草開河
事落日紅波空自愁

登樓絕句

倚遍闌杆十二樓卷舒風景入兵籌南山自古為勦
敵秋色終當讓一頭

山寺早起

松牕一夜遠潮生
斷送幽人睡失明
夢覺不知春已去
半簾紅雨落無聲

萬壽宮館舍

來時殘雪點征衣
落盡庭苔尚未歸
夢裏不知身尚病
春衫歸路馬如飛

答問目執其兩端章

不是黃河且勿論
只從河水覓通津
西至崑崙東至海
從頭一一認來真

次人韻二首

花落歸根恐未真
又從碩果強尋春
玄都觀裏桃千樹
誰是前身與後身
桃花結子更生孫
千樹玄都作好春
若遇禪家說生死
樵根枯與櫻頭新

狂生

放曠無端更自神
豪誇欺世語誰真
如何老阮無情甚
不願兕卽作大人

蠢齋

莫倚蠢愚遂自疎
保身須要畏刑書
頭邊既有儒冠在
誰為齋名赦得渠

勉齋

萬途千蹊各自分
比轅適越亦徒勤
勉齋究竟將何
勉不認途真恐誤君

踈齋

漫浪隨時取
自更要從僻
兀到無名踈齋
未便常為主
月旦明朝有後評

眼前萬事先
天圖人力那
容巧有餘看
盡四傍文理
密環中空闊
都如初

寒食

執紼猶恐墮危
傾感悅尤還損
靜真欲看人間
家道

正重門深閉
過清明

夜坐即席分賦
燈花餅聲

眉間正有喜
千丈眼底總
消燈一華我
自無憂安得
喜不須開向
野人家

萬丈潮頭落
晚江一餅收
入拾秋
窓宮商不在
人間
世鼻息雷鳴
未肯降

締帳

閑中今古道
中身靜裏乾
坤夢裏神放
下蒲團閑打
坐
締簾和月一
壺春

謝處士載月園

青竹文集 卷之八 二十六 二百四十六
扁舟西子五湖過謝客西風兩鬢皓一種清江明月
底憑君試問夜如何

昭君扇頭 二首

武皇重色思傾國趙氏承恩亦亂宮自售懸知非靜
女漢家當論畫師功

不忍紛七醜女顰百年孤憤漢宮春一身去國名千
古多少名臣學婦人

僧惠崇柳岸游鵝圖

河堤烟草柳陰勻舒鴈群游意自馴此是吾鄉舊風
景畫中相見亦情親

題孫氏永慕園

畫其家山先生罷所在

游宦恐忘丘壠念披圖如對白雲孤平生畫卷看多
少最愛孫家永慕園

陶母剪髮橫披

剪髮英明子可知披圖三嘆淚雙垂阿娘襟量如陶
母爭信痴兒到老痴

跋遺山墨跡

晚生恨不識遺山每誦歌詩必慨然遺墨數篇君惜
取汪家叅校有他年

王君願縱私屬詩卷

青仙文集 卷之八 二十八 二百五十五
共賦人形覆載間忍教牛馬與同欄人情比比王褒
約毀券如君亦自難

朱孝子割股詩卷

採本戕枝亦可憐粉身爭忍欲崩天詩書明日良心
在應對瘡痕一泫然
便律韓文恐太偏狂童十歲亦堪憐偶從德色耨鋤
看重為朱郎賦此篇

陳雄州止善堂詩卷

久被邦君撫養慈野人無路識風姿願將明日甘棠
詠用續諸公止善詩

王治中請蠲免回

都南連歲水為災輸挽區々亦可哀驚見流民行復
止傳聞昨日治中來

賀庶翁侯次兒子

相國當年病且貧乘除天理暗中存青々後樂堂前
樹又見庶泉第二孫

長鄉兒子阿延百晷二首

老年生子吾何願所願常推欲及人但願無灾保家
外一生長作太平民

和子新年亦解狂詩中名姓莫相忘通家會有西山

約合喜應門共父長

谷友人見寄

兩首新詩寄草堂一詩曾許卜隣牆白雲已領歸來
約只恐山靈不解忘

寄毛得義

白沙翠竹比比隣夢想南湖老聘君遙憶郡樓風景
好幾時同看暮山雲

寄楊晉州二首

曾是吾卿舊暮官秋風碧水記紅蓮而今卻憶當時
事回首驚看二十年

南州選舉數三揚中統衣冠半在亡明日朝廷訪耆
舊不應白首尚為郎

郝生知林州

到處雲山是我詩不愁無物慰相思只從隆慮烟霞
色領取幽人笑傲姿

送琴客還池州五首

江左衣冠自昔聞紫陽遺學竟誰真抱琴為向山中
聽林下寒栖恐有人

謫仙胸次九芙蓉又落人間劫火中浦思山哀天不
管為絃五曲和松風

過手春風不見痕曲中悲壯宛猶聞明朝無限空
夜月白風清覺少君

人物翩七羨少年不應心事只揮絃書中名利琴中
趣更有歸鴻目外天

日暮江東有所思未須千里寄吾詩但看西北浮雲
盡是我倚樓閑望時

送新安田尹

扁舟屢訪南溪老驚見田侯拜下風一遇蓋公能比
面愛君心與故人同

偶讀謾記二首

恍惚天花散亂風向前一蹴是虛空麒麟正要黃金
鎖收入簞瓢博約中

真樂攻心不柰何南華風景偶經過憐君日暮不題
去直到倚門猶自歌

偶書

車輪有角世無用馬足若方人可尋萬沼千池隨分
在只除明月解同心

天命

天命無私義理公此身承奉有餘恭人心可信難盡
合親令何由敢勇從

雜詩

一語喚醒瑞巖老千言不昧草庵歌閑人為向忙人
說佛法元來本不多

理西齋成

朔風裂地雪漫空辨向西齋作蟄虫有客敲門憑寄
語高談方對紫陽翁

早起

鼯鼠號多似訴愁破囊空慣已無羞閒來點檢幽居
事鷓鴣聲中又一秋

宿山村

石邊流水自縈紆樹杪閒雲恣卷舒長怪西山無爽
氣只應少亦一茆廬

宿洪崖觀

雲山不受壯心降無限西風撼客窓應是夜深知月
出却收風雨入清江

大覺寺作

西山詩社久知聞鞍馬曾經亦可人須信此邦文教
在能招錫杖近冠中

中山道中

不許花開一日先征鞍過處及芳妍只應春暖山翁

出野店溪桃帳望邊

大暑絕句

青天只恐還煉石白日何曾赦覆盆未挽銀河下塵世欲携赤縣上崑崙

雪領遇雨

天為西遊餉永晴野花啼鳥效平生今朝雪領初逢雨應是郎山帶帽迎上人諺云郎山帶帽十日無道

北窓看雪

背山樓起人呼俗踏雪詩成奴罵狂不俗不狂高枕上爛銀堆裏數峯蒼

賀正

秋禾夏麥認收成徭役稀疎賦稅輕北曠南庄俱有酒倒騎牛背逸村行

人日

紛々世事倒狂瀾鄉學如何又起端六七頑童舞雪下不知何物是探官

春夜

千紅百紫一般香霧閣雲窓日影長一刻千金買春夜幽人應也笑君狂

春夜不寐

衆人皆睡永獨坐細看乾坤靜裏春儻使一時俱閉
自知更教鼓是何人

故園寒食二絕

家下有酒老人醉拜掃歸來壯士耕縞袂荆簪門巷
寂太平風物故卿情
一坏新土寄餘哀故老相邀信步來行到水西村盡
處秭花無數未全開

中秋無月

鎮日晴明此夜陰如何天意異人心一聲長笛浮雲
盡快意金杯莫淺斟

霜落

霜落清江一夜秋覺來明月滿江樓酒醒人散夜將
半花上鳥啼空自愁

山泉

寒溜冷々尔許清米狂誤拜石為兄拔山卷地今誰
手夜々南窓聽此聲

鼓城龍湫

池龍聞說卧南州一禱曾分一郡憂四海蒼生望霖
雨千年誰更傳嵩求

煮茶

青竹集 卷之八 三十四 三百十四卷
細聲蚯蚓蝨銀瓶已覺春雷齒頰生舉似玉川應有
語無絃琴亦是沽名

聞角

人間無物比悠揚誰道一聲隨夜長餘哀到晚無尋
處吹作南湖十里霜

見梅

朔漠梅花到眼中一枝無限是春風江湖烟雨三千
里誰知乾坤造化工

落花

光景花中自一天精神楚客照芳筵朝開暮落君休

笑還似人間幾百年

啼鳥

幾日春陰幾日晴喚來山鳥話平生杜鵑解道淵明
語只少鷓鴣相和鳴

次人望雨韻

五月良田種不成蓬蒿無雨亦青々袖中准有天瓢
在自是今年夢易醒

豆粥

雪瓮冰壘滿筋黃砂瓶豆粥透墜香此中真味無人
識熬煞羊羔乳酪漿

戲頭李渤聯德高蹈圖十一首

黑色黃頭渠醜女綸巾羽扇我周郎已辭魯肅三千
里莫望成都八百素

鹿門安敢笑隆中畊耨傳家兩地窮愛殺阿山頗神
駿看教他日拜龐公

牙々女瑟似偏剗教文如羊尚恐狼若使此剗能有
用文姬却不辱中郎

莫道黎蒸法大偏孔門三法見家傳燈前一聽阿聾
語愈覺黔婁有婦賢

戾多吹罷補麻衣習取禁寒抗老飢幸自伯鸞無識

者對人不必案齊眉

北牕高卧辭周粟婁氏能貧傳亦誇畫裏不淚陶靖

節恐因白璧有微瑕

求人諛鬼果何為翻憶謀親入仕時寄謝韓公莫相

挽山妻元不解啼飢

倫理天生有自然莫言家累損清閒何人會豕圖中

意說似陽城與魯山

文藁無勞尔謾焚但將勤孝立吾門君看珠翠紅油

璧爭信阿良日乞墻

高詠清江月近人一家燈火夜相親多齋自任傍人

笑已把靈臺付鬼神

渠心當與畫圖期莫問圖中豕似誰天意與人論出

處我家行止不關伊

秋烟疊嶂圖

不傳者死不亡存滅沒天機尚有痕曾向烟霏見真
態依然猶是畫家魂

畫猿

萬古西山只月明畫中依約曉猿鳴幽人未去溪頭
聽一出世間無此聲

梅雀扇頭

月影波光淡有春秋風草上最愁人憑君欲寄調羹
信恐被枝頭凍雀嗔

題崔氏雪竹海棠二軒

崔氏溪亭竹樹新分題為永報詩人而今別有春風
在玉立諸孫鶴髮親

邯鄲歆枕圖

不見當年夢虎公無端幻術眩愚聾區區正有仙凡
異未便壺中勝枕中

田孝子詩卷二首

比屋春風夢寐前門閭旌孝見今年山林未覺渾無

望試手田家第一篇

佛法天倫亦泛然雲溪獨愛此兒賢詩成未盡南陔興不是田家第二篇

雨中聞雲溪不在

燈火幽窓擬對談十年不到二龍潭白雲吹作山前雨應報高僧不在庵

贈狂道士

得意雲山是處過逢人對酒即高歌世人休笑狂夫惡却恐狂夫笑汝多

朱君挽章

送奠曾未薤露辭一家風樹衆人悲十年不廢常時念薦孝如君亦我師

李臨城哀挽仲温

趙郡經過二十春臨城名姓舊曾聞驚看哀誄傷存沒悵望恒山日暮雲

静脩先生文集卷之八

靜脩先生文集卷之九

容城劉因夢吉甫著

和陶詩類

和九日閑居

深居忘晦朔好事惟侯生
偶因菊酒至喜聞佳節名
香醪泛寥廓醉境還空明
青天凜危帽浩蕩空秋聲
緬懷長沙孫生氣流千齡
乾坤一東籬南山久亦傾
回看聲利徒僅比秋花榮
撫時感遺事可見萬古情
興詩此三復淹留豈無成

和歸田園居 五首

少小不解事談笑論居山為問五柳陶栽培幾何年
 安得十畝宅背山復臨淵東鄰漢陰圃西家鹿門田
 前通習池路後接桃源間熙々小國樂夢想羲皇前
 石上無禾生繁爛空白烟營々區中民擾々風中顛
 未論無田歸々田誰獨間迂哉仲長統論說徒紛然
 商顏高在秦天馬脫羈鞅東陵高在漢雲鴻渺遐想
 超然秦漢外當年誰長往每讀淵明詩最愛桃源長
 北望無終山幽棲亦深廣空和歸田吟商聲振林莽
 塊坐生理薄出門交友稀田翁偶招飲意慙潛忘歸
 尊壘上玄酒此意誰得之人道何所本乃在羲皇時

錯簡

頗愛陶淵明寓情常在茲子徇豕為和樂矣夫何疑
 有問所樂何款贈不可持

醉翁意自樂非酒亦非山頽然氣冲適酒功差可言
 謂此不在酒得飽忘豐年君知太和味方得酒中傳
 阮生本嗜狂欺世仍不情酒中苟有道當與世同名
 何為戒兒子不作大先生良心於此發慨想令人驚
 士生道喪後美才多無成

草木望子成豈憂霜露飛禽鳥忘身勞但恐飢離悲
 生意塞兩間乾坤果何依我既生其中此理須同歸
 喜見兒女長不慮歲月衰雖為曠士羞理在庶無違

山人有靜癖苦厭一瓢喧奈何衆竅號萬木隨風偏
我常涉千里險易由閑山今古一長途遇險焉得還

哀歌嘆安歸夷皓無此言我安適歸謂伯夷歌吾將何歸謂四皓敬此司馬遷

皇甫謐所作非知夷皓之心者

茫茫開闢初我祖竟誰是於今萬古家居絕成毀
往者既已然未來亦必爾何以寫我心哀泉鳴綠綺
生備萬人氣乃號人中英以此推衆類可見美惡情
游秦驚避電過宋須微衣永謝門外屨從翁不相違
魯甸五十畝簞瓢足自娛顏生未全貧貧在首陽墟
商顏遇狂秦蕭然真隱居箕山波何為結巢松一株

富貴豈不好有時貧不如在卷非不足當舒豈有餘
誰持三徑資笑我囊空虛傭書易斗米吾田亦非無
吾宗古清白耕牧巨河曲雖非公卿門紆朱相接足
陵谷變浮雲家世如殘局舉目遺安齋先考崑題所居齋遺安
先訓炳如燭區區寸草心依然抱朝旭

和乞食

好廉中無實觸事或發之萬鍾忘義理一簞形色辭
吾負父自信笑聽溝壑來偶聞啼飢子低眉問殘杯
兒啼尚云可最愧南陔詩豈無乞食念慚非動時才
人理諒多闕清規亦徒貽

和連雨獨飲

吾心物無競未醉已頽然乾坤萬古坐我春風間
弱女亦何知挽衣呼我仙窺人簷鳥喜共舞風雩天
舉觴屬羲皇身在太古先忽遇弄丸翁見責久不還
一笑了無間今夕是何年遙望白雲欲辨已忘年

和移居

十年寓茲邑渾家如泛宅言念息吾廬頽然在斯夕
床頭四子書補閑薪水役寒甌挂庭柯風葉滿鹿席
藩垣護清貧簞瓢閱今昔珍重顏樂功先賢重剖折
躬耕力不任閉戶傳書詩資生豈師道舍此無所之

今年穀翔貴自笑還自思安居逢歲歉乘除動天時
彊顏慰妻孥一飽在來茲雪好炊餅大占年不吾欺

和還舊居

巨河西北來浩浩東溟歸河邊兩榆柳游子無窮悲
對老我何堪物是人已非鄰翁醉相勞白云鬼錄遺
早晚見先公問爾今何依豈無磊砢功使我地下推
吞殼謝鄰翁讀書志不衰持此報吾親餘事手一揮

和九月九日

九月閉物初孤陽困無交園木眩霜紅豈解憂風凋
物外風雩春氣橫湖海高舉手謝浮世疑睇思層霄

揮觴送秋節哀此造物勞傾河瀉萬象隨手如沃焦
崇高笑山斗未能出鈞陶况彼草間蟲區區寒露朝

和飲酒 二十首

陰偶小故多陽奇屹無傾誰將春雷具散作秋蟲鳴
既知治長少莫歎才虛生

凝冰得火力鬱上陽春姿寧滅不肯寒陽火如松枝
詩家有醇醪釀此松中奇一飲盡千山枯株波何為
所以東坡翁偃蹇不可羈

黃河萬古濁猛勢三峯開容持一寸膠澄清動高懷
飛駕探崑崙尚恐志易乖囓我乘浮槎淫淫天地棲

前頁尊疊以下十八行宜
移置此行之上

孰引明河清為洗崑崙泥相看淚如雨千年苦難諧
何當御元化擺落人世迷下覽濁與清瞬息千百迴
十年小學師一屋荒城隅飢寒吾自可畜養無一途
亦愧縣吏勞催徵費馳驅平生禦窮氣沮喪恐無餘
長歌以自振貧賤固易居貧賤易居貴盛難為工嵇外夜詩
士窮失常業治生誰有道身閑心自勞齒壯髮先老
客從東方來溫言慰枯稿生事仰去聲小園分我瓜菜
好指授種藝方如獲連城寶佗年買溪田共住青林
表

此身與世味况若不同時惟餘雲山供有來不徑辭

青竹文集 卷之九 五
時當持詩往報復禮在茲有客向我言於道未無疑
不為物所役乃受烟霞欺聞此忽自失一笑姑置之
執價韓伯休混跡在人境百錢巖君平閱世心獨醒
我無騰化術凌虛振衣領又無辟穀方終年酌清穎
會須學巖韓遣風相煥炳

吾宗幾中表訪我時一致自吾居此菴才得同兩醉
逆數百年間相會能幾次每會不盡歡親情安足貴
所歡在親情杯水亦多味

罷飲代窪尊巢居化安宅凡今佚樂恩孰非聖神迹
况波耕戰徒勤力有千百乞我一身閑坐看山雲白

內省吾何功停觴時自惜

四時有代謝寒暑皆常經二氣有交感美惡皆天成
天既使之然人力難變更區區扶陽心伐鼓達天庭
乾坤固未壞杞人已衰鳴雖知無所濟安敢遂忘情
諸生聚觀史掩卷慕高風元如遠游仙獨居無事中
盛衰閱無常倚伏誰能通天方郊高鳥地已產良弓
人生皆樂事憂患誰當得人皆生盛時衰世將盡惑
水性但知下安能擇通塞不見紇干雀貪生如樂園
古今同此天相看無顯默
人生喪亂世無君欲誰仕滄海一橫流飄蕩豈由已

弱肉疆之食敢以凌暴耻優游今安居驩然接鄰里
曲直有官刑高下有人紀貧羸誰我欺四廬安所止
舉酒賀生民帝力真可恃

人君天下師垂衣貴清真羲皇立民極坐見風俗淳
有德豈無位萬古湯盤新師道嗟獨行此風自周秦
獨行尚云可誰以儒自塵有名即有對况乃一行勤
聖人人道爾豈止儒當親儒雖百行一致遠非迷津
矧伊末世下空有儒冠巾何當正斯名遙酌千載人

和有會而作 并序

今歲旱米貴而棗價獨賤貧者少濟以

黍食之其費可減粒食之半仁人之與
物貴賤亦適相當蓋亦分焉而已偶有
所感而和此詩

農家多委積淵明猶苦飢况我營日夕凶歲安得肥
衾裯一飽計何暇謀寒衣經過米麥市自顧還自悲
彼求與此有相直成一非尚賴棗價廉殆若天所遺
惟人有貴賤物各以類歸小兒法取小淺語真吾師

和擬古 九首

鬱鬱歲寒松濯濯春風柳與君定交心金石不堅久
君衰我不改重是平生友相期久自醉中情有醇酒

青竹文集 卷之九
十一
義在同一家何地分勝負彼此無百年幾許相愛厚
持刀斷流水纖瑕固無有

客從關洛來高論聽未終連稱古英傑秉國或從戎
建立天地極蔚為蓋世雄功成脫敝屣飄然蕭遺風
生世此不惡君何守賤窮急呼酌醇酒延客無何中
同游非所思所思天一隅有問所思誰意在言不舒
古今猶旦暮四海同一廬恍惚精靈通似見與我居
攬衣歎從之寒月照平蕪茫然不知處歎息將焉如
朝游易水側步上燕臺荒燕王好神仙不見金銀堂
江山古神器海色圍蒼茫哀哉王風頽日化爭奪場

杯世豈無人躋志歸北印撫此重長歎青山忽軒昂
呼酒樂今朝往事置一方遙知蓋棺後亦起千載傷
依依月光缺熒魄恒獨完清光如素絲長懷綴君冠
形雖隔萬里咫尺皆君顏望君君不來十年不開關
豈無黃金贈藉以青錦端愛惜明月珠肯為黃雀彈
庭前秋栢實月夜棲孤鸞君嘗寸心苦中有千歲寒
河流高柏天沈水沈在茲自傷困無力乘彼潮宗時
顏色變淫渭風味存澗淄願君深識察期君不相疑
此情良可憐感慨贈以辭辭云丹山鳥千載多苦思
身游九霄上不受塵世欺忍飢待竹實浩蕩今何之

歌以靈鳳謠亂以猛虎詩

西山有佳氣草木含清和道逢方瞳翁援琴為我歌
音聲一何希一唱三歎多問翁知此誰指我蟠桃華
所望在千年君今將柰何

翩翩誰家子慷慨歌遠遊忽記少年日猛志隘九州
何物能勸人有此歲月流君心海無底亦使成高丘
贈君一卷書其傳自衰周讀此當自悟擾擾將焉求
巖巖牛山水久矣困樵採望望深澗芝無人香不改
一葉振江潭輕波欲達海幽明理一貫影響不相待
願天誘臣衷所求惟寡悔

和雜詩十一首

日食百馬芻足有萬里塵乃知一駮骨可百駮胎身
生汝天已艱天復無私親安肯養一物侵奪空四隣
長飢汝自取况值秋霜晨難生復難長愁絕藝蘭人
宵中無金山橫側變峯嶺不及靈椿秋遂謂長春景
只見栢參天豈知根獨冷井畦見自小夏蟲年不永
天人互償貸千年如響影廓哉神道遠瞬息苦馳騁
平生遠游心觀物有深靜

畫長夜乃短百刻君自量羸餘雖可致君看蜜蜂房
董生論齒角三策奏未央樂天喻花實妙理通陰陽

自詩荔支非名
花壯丹無佳實
稠薄只升米聽爾宜飢腸

好事理難阻人情多畏豫芝蘭種不生鸞鴻動高翥
遂令好賢心艱親恐易去巢燕不待招庭花免憂慮
所以末世下凡百古不如皎皎千里駒肯為場苗住
求賢非吾分切已在何處平生取友志持此當警懼
因觀倚伏機亦爰柱下老時危不易度遜默庶自保
不見春花樹陰冬袍枯燥生意歛根底發世敢獨早
聖德實天生自信耿中抱猶存悄悄心庸人安足道
幼安返鄉郡知音得程喜有問平生心但說臨流事
乾坤魏山陽史筆凜生意物外此天民與魏偶相值

見通鑑
綱目
澹然涉世情月閑雲自駛我作安化箴
上安賢

民化其德兄
管寧傳注
韋絃不須置

太玄豈無知不覺世運迫為問莽大夫何如成都陌

楊雄掌師
嚴君平
扶搖得真易長卧山雲白
扶搖白雲皆中

有安樂窩氣吐宇宙窄消長繫以密我主波為客
先觀

天蓋
可見
問子居何方環中有真宅

朝耕隆中田暮採成都桑平生澹泊志醜女同糟糠

愛此真丈夫忘我厨無粮當年靜脩銘團茅雞距陽

雞距保府泉名舊掌取武候靜
以脩身語各所寓舍靜脩龕
回頭十五載塵跡迹

自傷山居夕岑寂主靜豈無方安得無極翁酌我上

爭首之集
卷之九
一

池觴

燕南可避世逸興生雲端安得百里封一邑不改遷

該誦和寒流溝涂映晴巔思此良自苦躬耕望艸殮

願從八吟翁橫渠有八吟翁同結一井緣買山不用

詩探囊謾千篇

西山霍原宅古跡猶可稽見水注重吟豆田謠愁雲落

崩崖豆田謠見霍原木傳魯酒却鄆園撫事傷人懷材宗自高

士此世淹亦彌一開孺子語西風草披離知幾在明

哲何事繼塵羈君觀括囊戒無盈庶無虧

我游深意寺即山古清涼興妖如米賊棄時起陸梁

見五代史語不見重華帝所居亦成鄉乾坤師道廢春陽

變秋霜撫事三太息欲語意何長

和詠貧士七首

陶翁本強族田園猶可依我惟一畝宅貯此明月輝

翁復隱於酒世外冥鴻飛我性如延年與衆不同歸

孤危正自念誰復慮寒飢努力歲云暮勿取賢者悲

杜正者危至方則歲爾實憫然中言而發違衆速尤

王風與連類一輕不再軒消中正有長冬温見瓜園

人才氣所鍾亦如燭後烟寥寥洙泗心千載誰共研

龍門有遺歌三歎誦微言意長日月短持此托後賢

淵明老解事撫世如素琴似人猶可愛况乃懷好音
鄉間誰盡賢招飲亦相尋豈有江州牧既來不同斟
仲尼每諱魯邦君誠可欽史筆自好異誰求賢者心
木石能受唾豈独相國婁視唾若如雨褊人亦不酬
無心乃直道矯情實莊周身外不為我袒褻吾何憂
伯夷視四海願人皆我儔吾謂下惠隘此說君試求
飲酒不為憂立善非有干偶讀形神詩大笑陶長官
傷生遂委運一如咽止殮參回豈不樂履薄心常寒
天運安敢委天威不違顏莊生雖曠達與道不相關
物外有幽人閱世如飛蓬浮名不可近造物難為工

西京二百年藉藉楚兩龔豈知老父觀才與薰膏同
為問老父誰身隱名不通偶逢荷蓀者欣然欲往從
生類各有宜風氣異九州易地必衰悴盖因不同儔
水物困平陸清魚死濁流麟亡回既失時也距無憂
天亦無柰何日獻敢望酬寄語陶淵明雖貧當進脩

和詠二疏

委質義有歸乞骸老當去豈無戀闕心難忘首丘趣
在禮此常典末世成高舉漢庭多公卿畝畫兩疏傳
至今秦中吟感歎東門路日觀霍將軍功高擅恩顧
一朝產危機千載損英譽仲翁幸及年安肯嬰世務

聖主賜臣金奉養行所素造物伏我老餘齡今自悟
田園付子孫身後復無慮神交冥漠中樂境尚森著

和詠三良

江山錯如繡死與敝屣遺安用親愛人共此丘土微
秦人多尚氣宜無見女私乃亦如當途區區戀衣帷
因傷秦政惡三歎王綱虧殉人已可誅而况收良歸
坐令百夫特含恨與世違祇應墓前栢直幹千年希
遙知作俑戒為感詩人悲重吟黃鳥章淚下霑人衣

和詠荆軻

西見戲邯鄲六國朝秦嬴秦王鷲鳥姿得飽肯顧卿

燕丹一何淺結客報咸京當時勢已危竒謀不及行
政使無此舉寧免係頸纓如丹不足論世豈無豪英
天方事除掃孰禦狂颺殺我欲論成敗高歌呼賈生
乾坤有大義正若雷霆驚堂堂九國師誰定討罪名
一戰固未晚何為割邊庭區區六孱王山東但空城
孟荀豈無術乘時失經營今雖聖者作不抹亂已成
酒酣發羽奏亂我懷古情

和讀山海經 十三首

寰區厭迫隘思見曠以踈四壁畫諸天愛此金仙廬
丹青煥神跡勝讀談天書乃知屈子懷託興青虬車

回看百千世朝露樓園疏歸來誦陶詩復與山經俱
山經何所似俚媪談浮畜汗漫恐不已身心歸晏如
鳳鳥久不至思君慘別顏中心箴竹實炯炯空千年
千年寄何所云在丹穴山何當一呼來激爾無稽言
翩翩三危鳥為我使崑丘聞有西王母靈化畧難儔
願清黃河源一洗萬里流吾生豈無志所居非上游
蕭湘帝子宅縹緲乘陰陽欲注沒之游風波道阻長
秋風動環珮星漢搖晶光月明江水白萬里同昏黃
重華去已久身世私自憐皇靈與天極蒼梧渺何山
晴空倚翠壁白雲淡無言愁心似湘水猶望有歸年

羨登日觀峯高標扶桑未待最上枝傳與甘淵谷
一笑天驚白蒼髮何方積九陰區區尚能燭

累七玉膏實冷冷樹陰鸞鳳自歌琴琴瑟風動林

風林奏何樂賓天有遺音君何坎井念永負琅園心
明星捧玉液太華參天長仙掌一揮謝此樂殊非常
矯首望夸父飢渴無餘糧奔競竟何得歸哉此中央
水物自一隅亦復具飛走乃知造化工錯綜無欠負
茫茫山海間形類靡不有此亦何可窮一覽置時後
遙醉楚江騷清愁浩如海臨茲此何人興寄果安在
豈期紫陽出誇謾莫追悔

見諸文公

五歲令九丘

歲五

見山海經序 除去尚矣待

流觀山海圖淵明有深旨撫心含無彊觀形易生死
異世有同神此境若親履何以發吾觀濁酒真可恃
扶踈窮巷陰回車想高士厭問世土語相約扶桑止
讀君益下詩千載如見爾開襟受好風試學陶夫子
陶令自高士葛侯亦奇才中州亂已成翩然復南來
三游領坡意厭世多驚猜不妨成四老雅興更悠哉

雜言類 五首

觀雷溪

飛狐天下脊老氣盤五回三江瀉天怒合為一水東

南來此勢不殺令人愁石門喜見西山開未補青天
裂誰鑿混沌胎奇聲猛狀萬々古山根幾許猶崔嵬
兩山倒傾瀾百丈逢顛崖先聲動毛髮餘爽開襟懷
初疑萬壑轉奔石意像髣髴坤軸摧又疑鼓角鳴地
中百步未到仍裴迴荒祠下石磴駭目何雄哉春風
不到太古雪今日乃得胷中雷穿石誰能窮窟宅流
沫勢欲浮蓬萊平生芥蒂今寒灰兩耳到骨無纖埃
灑元筆頭天下水石門之奇猶見推乃知茲遊亦奇
絕快弄素電噴瓊瑰東崖一片石坐撫千年苔為招
郎山君共倦長鯨杯江妃為撾靈鼓催赤鱗躍出銀

山堆先生醉來泉灑面狂歌一和湍聲哀

遊郎山

昨日山東州馬耳索脚凌風嘶今日軍市中不覺已
落山之西山之面背一無異不詩風煙變化神已迷
危闕度雪嶺亂石通荒蹊林間小草不識風日自太
古我行終日仰羨木杪出禽啼但見雨色來雲物颺
以淒忽然長蕭得石頂痛快如御駿馬蹄萬里來長
風五色開晴霓長劍倚天立皎潔瑩鷓鴣平地拔起
不傾側物外想有神物提詩家舊品嵩少同畫圖省
見巫山低誰令九華名獨與八桂齊千態萬狀天不

知敢以兩目窮端倪騫騰誰避若飛隼側瞰何屈如
怒猊千年落窮邊煙草寒萋萋若非酈亭書生此鄉

國物色誰省曾分題

酈道元註水經說郎山形勢最真令泳郡有酈亭其先世所居

也乾坤至寶會有詩豈有江山如此不著幽人棲頗
聞山中人雲間時聞犬與鷄只疑名山別有靈境在
不許塵世窮攀躋不是先生南遊有成約淫欲共把
白雲犁九疑窺澗湘禹穴探會稽玉井爛賞金芙蓉
日觀倒捲青玻瓈風煙回首莫瀟灑南遊隼擬相招
携

桂書牛角圖

長安江都搏手空台司光祿誰雌雄大事既去乃爾
耳渠頭不斫將安容喑鳴千年楚重瞳將軍視之猶
楚公挂書牛角亦偶爾史臣比擬良未同青青澤中
蒲秀色自凌空可憐涂包徒學術皆凡庸君不見群
兒驅羊竟何功晉楊飛李亦秋風緱山畝画有如此
何如長作多牛翁

浙江潮圖

山人懶絕夢亦然昂如萬牛不可遷誰信畫工筆頭
有神力扁舟一夜江聲寒覺來千里雪漫々中有數
點青峩閑人間天門壯觀已如此豈知大塊喘息四

海如鼻端海中仙人冰雪顏吸風御氣非人寰試問
濤頭何當還為我寄聲三神山我欲乘興遊其間

清江曲

清江芙蓉玉可憐岸花汀草自年年來鴻去鴈不相
識曉落無聲香暗泣江樓縹緲如花人望之見之不
可親無限晴雲錦樹新愁眉只向遙山顰遙山一千
里長在愁眉底鏡裡繁華過眼空遙山鑄向青銅中
遙山遙復遙芙蓉渠霜早凋明日愁眉為誰掃月白江
清天未曉

先天添硯詩 并序

予近得漆硯二劉文茂之所惠者象壁
水而先天八卦周焉予遂名以別之且

賦詩以 荅茂之云

揚雄久寂寞載酒誰相過今夕是何夕燭花吐燼浮
煙蘿天開氣機動起舞獨婆娑晨光滿壁佳氣集客
來怪我衰顏醜袖中隱上天根雷欲出不出神所訶
硯漆未為貴形古天森羅夜月碧落影秋風寰海波
茫上西儀根日月東西柯環中方寸地樂境涵天和
弄九恣遊戲觀物供研磨平生犀韋編退筆如山阿
成都墨池自尚玄劉歆醬瓿空作魔今朝得此天所

戲令人一歎三摩挲扶搖子安樂窩老氣鬱上卻日
戈鞭霆烈月未消歇百年光景空蹉跎冥漠神光恍
猶在松風入墨如吟哦東南澤國尾閭瀉西北仰看
青山多青山天齊石可磨安得六丁為我墮差栽我
欲萬年老筆回江河先生興來不柰何為君醉草太
古滄浪歌

示孫諧

龍山古壯哉鬱上盤煙嵐一讀元子詩冷然玉泉甘
江山勝境要佳客而我不到懷應慚雷家髯翁虎耽
耽劉氏遺愛存河南百年喬木動秋色籃輿誰與供

竒探崑山出美玉楚國多梗楠孫郎復貴種良璞須
溪函勺萌慎培養雲霄看崑崙野夫老矣一何拙平
生只有歸休堪傳經訪道可無愧為我早辨龍山庵

早發高黑口號

蒼月瘦黑風酸枯梢老竅號空山東方未動天發黑
迷途客子迴征鞍冰髯壓唇帽簷側耳輪霜醉鼻尖
寒中原年少燕南道功名未了黃塵老黃塵老馬上
神州依舊好

送國醫許潤甫還燕來保定奔母喪

燕趙豪傑窟馬遷曾此來交游即今勁氣壓河朔人
物傑出嶄然雄九州燕南子許子胸盤星斗橫高秋
窮則良醫達良相古人須向今人求萬里黃雲馬上
家歸來泪滿銀貂裘民病未蕪國支枵勿以一身戚
而忘天下憂古來竒士重意氣把臂一語肝膽投君
能搜豕豕中磊落之竒才豕亦為君寫豕抑鬱之幽
懷

贈寫真田漢卿別字景延

君不見瀛溪先生畫出太極圖下筆萬物形神枯又
不見伊洛丈人寫出先天理鑿破化胎混沌死靈犀
一點透圓光自然造化隨驅使景延老筆縱橫走聲

名不在龍眠後一代人材老玉閑精英盡入丹青手
五湖三島在曾中間物象無遺蹤閉門九經庫意
氣摩青空手掇月窟躡天根千變萬化愁神工愧豕
孩提五鬼穷高軒未遇感秋蓬千里窮途步兵哭賓
王送旅客新豐幸遇知音相見好倒寫詞源談未了
閣上麒麟高塚卧江邊非能何處老君王貪夢巫山
雲靄霖變作商巖老惟有英雄少年人踏入雲臺猶
未到珍重先生筆下神等閒莫寫常人真願君傳寫
聖賢之蘊經緯天地之文穷乾坤無形之理思風雲
变化之春周邵二公相左右顏烏不佐塵中人

辭類

白雲二章

白雲凝情兮佩月光白露結綵兮明幽芳衆星皎皎
兮水波不揚渺予思之若遇兮耿在目而不忘音容
著兮形無方肅予中立兮四無旁子母歸去兮山高
水長

白雲高飛兮杳不可尋靈風長往兮聲不在乎幽林
皎月東生兮忽西沉玄鶴何逝兮遺之音予思未及
兮實懷我心儵萬里兮捐所歆曠同游兮啟雲襟子
母歸來兮山幽水淺

樂府類

醉江月飲山亭月夕

廣寒宮殿想幽深不覺升沈圓缺天上人間心共遠
如在瓊樓玉闕厚地微茫高天涼冷此際紅塵歌翠
陰高枕併教毛骨清徹為問此世從來幾人嗟望轉
首俱湮滅蟣虱區區尤可笑幾許肝腸如鐵八表神
游一槎高泛逸興方超絕常娥留待桂香且莫開徹

玉漏遲

沈舟東溪

故園平似掌人生何必武陵溪上三尺蓑衣避斷紅
塵千丈不學東山高臥也不似鹿門長往君試望遠

山顰處白雲無恙自唱一曲漁歌當無復當年缺
齋悲壯老境羲皇換盡平生豪爽天設四時佳興要留
待幽人清賞卷又放滿意一篙春浪

鵲橋仙

悠悠萬古茫茫天宇自咲平生豪舉元龍儘意臥床
高渾占得乾坤幾許公家租賦私家雞黍學種東臯
烟雨有時抱膝看青山卻不是吟梁甫

二喜雨

紀千生處幾時飛去欲去被天留住野人得飽更無
求滿意一犁春雨田家作苦濁醪釀黍准備歲時歌

舞不妨分我一豚蹄更試聽今烁社鼓

木蘭巷

未開常接巷開未又恐開時風雨至巷開風雨不相
妨說甚不來巷下醉百年枉作千年計今日不知明
日事春風欲勸坐中人一片落紅當眼墜

二

西山不似龐公傲城府有樓山便到欲將華髮染晴
嵐千里青人濃可掃人言華髮因愁早勸我消愁惟
酒好夜來一飲盡千鍾今日醒來依舊老

二

錦雲十里川妃共一棹晚涼風款送只愁無處着清
香滿載月明舡已重冰毒水鑑元空洞天意似嫌紅
翠擁拚教風露八吟尊不惜烁光渾減動

菩薩蠻

元龍未減當年氣呼山卧向高樓底今日到山村青
山故意昏商歌聊一振千里浮雲靜老子氣猶豪山
靈未可驕

二飲山亭感舊

種巷人去巷應道巷枝正好人先老一咲問巷枝巷
枝得幾時人生行樂耳今古都如此急欲醉莓苔前

野蒼啼鳥欣然

五圍棋

碁聲清美盤磳青松底門外行人搖指似好箇爛柯
仙子輸瀛都付欣然興闌依舊高眠山鳥山蒼相語
翁心不在碁邊

人月圓

自從謝病脩蒼史天意不容閑今年新授平章風月
檢校雲山門前報道麴生來謁子墨相看先生正尔
天張翠蓋山擁雲鬢

二

茫茫大塊洪爐裏何物不寒灰古今多少荒烟瘴壘
老樹遺臺太山如礪黃河如帶等是塵埃不須更嘆
蒼開蒼落春去春來

太常引

男兒勲業古來難嘆人世幾千段一夢覺邯鄲好看
得浮生等閑紅塵盡處白雲堆裏高卧對青山風味
似陳搏休錯比當年謝安

二

臨流相喚百東坡君試舞我當歌不樂欲如何看白
髮今年漸多青天白日斜風細雨盡付一漁簑天地

青竹文集 卷之九 二十四三百八十五个刘
作行窩把萬物都名太和

三

冥鴻有意避雲羅問何處是行窩今古一漁簑收攬
了閑人最多求田問舍君休嘆我兩鬢已成皤髀肉
儘消磨渾換得功名幾何

風中柳飲山亭留宿

我本漁樵不是白駒空谷對西山悠然自足北窓踈
竹南窓叢菊愛村屋數間茆屋風煙草屨滿意一川
平綠問前溪今朝酒熟幽禽歌曲清泉琴筑欲歸來
故人留宿

西江月飲山亭留宿

看竹何須問主尋村遙認松蘿小車到處是行窩門
外雲山屬我張叟臙醅藏久王家紅藥開多相留一
醉意如何老子掀髯曰可

水調歌頭

同諸公會飲王氏飲山亭索賦長短句傲晦翁体

一諾與金重一笑對河清風卷不遇真賞終古未全
平前日青春歸去今日尊前笑語春意滿西城華鳥
喜相對賓主眼俱明平生事千古意兩忘情我醉眠
卿且去扶我有門生牕下烟江白鳥窓外浮雲蒼狗
未肯便寒盟從此洛陽社休厭小車行

念奴嬌 憶仲良

中原形勢東南壯，夢裏譙城秋色。萬水千山，收拾就
一片空梁。落月烟雨，松楸風塵，淚眼滴盡青血。平
生不信人間更有離別，舊約把臂燕南，乘槎天上。曾
對河山說，前日後期今日。近悵望，轉添愁絕。雙闕紅
雲，三江白浪，應負肝腸。缺舊游，新恨一生都付長缺。

喜迂鶯 乙亥元日

春風滿面是胸中，春意與春相見。不醉醺然，無人也
笑，况是一年清宴。寧兒挽鬢，學語爨婦，舉杯重勸道。
維願貧常圓聚，老常康健。二十七年世事，經千變，今

是昨非。春思，蒼柳消盡，冰霜殘怨。門外晚寒猶淺。門
上垂簾，休捲燈，蒼軟酒香濃。趁歌聲試輕，上燕

南鄉子 題外甥郭氏留畊堂壁上

方寸足留畊，大勝良田萬頃。平陰理不隨，陵谷變分
明。霜落西山滿意，青千載。董生行雞犬，昇平畫不成。
終日相看天，與我高情。身外浮雲自古輕。

二 張彥通壽

總下絡車聲，窗外兒童課六經。自種墻東新菜，芙蓉青
青。隨分杯盤，老幼情。千古董生行雞犬，昇平畫不成。
應笑東家劉孝子，無能縱飲狂歌，不治生。

青竹文集 卷之九 二十六 三百七十八
菩薩蠻 王利夫壽

吾鄉先友今誰健
西隣王老時相見
每見憶先公音
容在眼中今朝故人子
為壽無多事
惟願歲長豐年
季社酒同

朝中措 廉公惠正議舉兒子

金張家世費貂蟬
七葉侍中冠
若就詩家攀例
生兒合喚添官
憑誰寄語廉泉
父老斗酒相歡
今歲孫枝新長
甘棠消息平安

臨江仙 廉侯舉次兒子

四海荆州吾所愛
重賞難酬
即子孫今擬喚甘棠

添官前有例
簪笏看難床
明日乃公歸
舊隱後園喬木
蒼々青衫竹馬
鴈成行
當年廉孟子
應有讀書堂

二送王從事

行色勿也緣底事
山陽梅信相催
梅也香底有新醅
南州今樂土
得意且銜杯
君見太行憑寄語
雲間蒼壁崔嵬
平生遮眼厭黃埃
高樓吾有興
無惜送青來

西江月 送張大經

留在平生落也休嗟
世事滔也青雲底柱
本來高立
向頽波更好
一斤也蒼飛春減
可堪萬點紅飄
江華江月
可憐宵莫賦
招魂便了

二贈趙提學酒

買得雞泉新釀病中無客同斟遣人持送旅窩溪呼
取毛翁共飲少箇散蒼天女維摩憔悴難禁安排走
馬杏巷陰咫尺春風似錦

先世雜事記

改葬後祭文

西塋

維至元五年十月戊寅朔祀孫某謹以清酌之奠
致告于先塋前金塵昔蕩人其流離天寒我族逃難
南飛遼_上松楸誰主誰依兩齧烟荒牧踐狐悲春秋
失祀神其餒而降及大革吾宗益衰骨肉連喪不免

兵飢家父重生故里爰歸險阻艱難亦倍嘗之先澤
未涸家運欲伸囊藥是萌不肖惟駟生遭閔凶早失
二親先塋所在莫知莫聞豺獺報本孰無此誠心泚
溢穎中心靡寧寤辟自譴云胡爾生親柩尚旅先塋
未祔載訪鄉人得此其處白溝之澳金容之曲寔惟
故域於焉是卜與此相望不違十里神遊下泉尊卑
有齒我惟後人莫援其紀念豕孤孫單獨一身形影
相吊撫迹酸辛承我先業惟恐有墜其敢弗勤遠大
自期卓然千古樹我名勲堂_上先靈死而不亡庶聞
此言相我後人宗其有光神亦不孤歲時匪懈拜掃

敢忘尚饗

改葬後祭文

東瑩

祖

念家諸孫粗濡文墨實賴家祖好士雄偉神臥荒烟
盖亦有年豈家父罪惟其之愆提携教育不辱其先
勿以小怠忘其大全先父遺命云汝祖父母在淺土
我平生艱蹇不克葬汝能成之家事了矣

牀祖

我祖登第光我劉宗雖先世德亦我祖功天道何如
俾絕其嗣式值凶飢遽至于此我父惟子惟其則孫

歲時拜掃其敢弗鈞

禰

無狀招禍兇罪彌天亡不處殞俾值孤单之憂吾字
不忍絕祀于其先苟立殿嗣實不願自延晨昏奉慰
償過于下泉嗚呼痛哉兇復何忍言

先世行實六條

- 一
- 二
- 三
- 四
- 五
- 六

遠祖宗 高祖敦武校尉臨洮府錄事判官 曾奉議大夫中 祖秉善 父述 因

高祖昉敦武校尉臨洮府錄事判官家居嘗夜坐廡

下見一人盜厨中大釜識其為里巷子呼之語曰吾
家口衆明日何以為具盜弃釜而走止之曰若走即
使人執汝姑於此以待乃取錢稱釜之直與之且使
置釜於竈所竟不言及卒盜來哭且以其事告人曰
吾不言則沒翁之德嘗為吏部掾每為選人給紙札
曰紙札亦細事

鄉人號為劉佛子娶容

城王氏男四

曾祖侯字德容奉議大夫中山府錄事為政有聲每
罷歸望容城其門昧子下車凡長一歲者無貴賤皆

納拜娶邊氏有明鑒

並曾祖劉公子英業進士早世

考秉善字文卿少讀書氣豪邁以義雄鄉里貞祐之
變鄉豪以國命推為萬人長遂逃避河南第秉忠登
科後母教之曰科舉無用學措國家設此以取人耳
有志于學者豈可如是而已養孤姪如已出有外姻
之無託者皆為撫有不使失所其子自他而歸遇里
中一嫗揖之召而責曰波年長雖賤亦人也乃延嫗

上坐使再拜其嚴類如此壬辰北渡六月六日卒於
安平時年五十二其子扶其柩葬於溝市里之西原
取陳氏生子男二曰紫陽曰述女曰桂適金皇族完
顏世襲千戶侯 祖考妣六月 日卒相去無幾日

林祖奉直府君行錄

君諱秉德改國寶字長卿小名壽郎小字延慶大定
二十五年乙巳正月初一日生登興定二年進士第
釋褐涇州涇陽縣主簿改藤州藤縣尹遷中書省令
史未幾改司農主事尋授密院經歷終於奉直大夫

鄭州防禦判官君性安靜恬退與物無競為學不喜
作詞章貞祐間避地河南隱于豫州之許封山從學
者惟孔文振茂林脩竹清泉恠石終歲無人惟琴書
在側為省掾時其一省郎暴怒以燈擊其僕偶中君
之首君瞑目端坐神色不動其人謝之曰偶爾何謝
焉嘗燕居僮僕鼓蹠相詬詈以謂無人俄而風動簾
起見君坐于堂中衆皆惶恐往謝罪君方瞑目端坐
少間開目顧之曰若輩何在此耶衆乃具以罪狀自
陳君徐曰曲直有在何至于鬪戒勿復然其寬裕類
如此惜乎天不假年壬辰歿于京師之厄先娶王氏

早世而高尚書有鄰欲以女妻之不許曰吾不能以一女子而下貴人遂娶李氏生子男二人日乞住道
道皆早卒

君諱述字繼先金泰和四年七月九日生六歲值貞祐之變從親南渡君早有大志穎悟絕人十六七棄舉子業廿六遭壬辰之革飢險備嘗北渡至安平二親連喪吾母病篤先生護柩扶疾重至鄉土田園盡非家有環堵蕭然宴如也遂刻意于學大難之後無書可讀求訪百至十年之間天文曆數陰陽醫方之

書無不通性學史學尤所喜者其書皆手所謄錄往來燕趙間交游皆父行之天下名士也時耶律中令君執政翰林承旨王公百一以名書薦之中令欲用而不就後至順天隱居教授杜門絕交萬事置之度外惟以教子為事因始余四十未有子嘗語人果無子則已若有子必令讀書我今教子亦將以成吾之志而已性不喜酒好長嘯嘗游易州諸山當秋風落木之下危坐終日時作一曲其聲雖冲澹蕭散而其慨然之所不能忘者亦時見之然其竹冠葛服雍容樂易人謂又有真隱之風焉先生平日明於藻鑑或

評論人物或指明事体或推究世變人必待其驗而後服中統初左三部尚書劉公才卿宣撫真定道辟為武邑令未幾以病辭居真定之北潭至元四年九月還順天明年十月十二日病革命其子曰汝高祖以來未嘗為惡大兵之後吾再生而汝兄弟俱亡而汝獨在汝其勉之明日卒于容舍六年十月廿五日葬于容城縣溝市里之西原娶定興進士楊勗字勉之之幼女楊氏生而有知年十六歸先生兵後親執爨死難色先生晚無子力請令別娶先生竟以天命拒之女曰綌曰繡皆適人而卒先妣十一月初六日卒

先君記事

泰和四年丁卯七月九日寅時生

崇慶元年壬申從親南渡

正大二年乙酉娶楊氏

壬辰 三月降 五月初五日從親北渡至安平六月

初 日父母皆病歿十二月廿三日還容城

乙未 附藉

庚子八月三日長女阿乞生寅時

癸卯遷定興

乙巳遷涑水 八月十五日次女秀生

丙午還順天

巳酉閏二月九日亥時秀因生

庚戌有北京行

甲寅長女嫁韓氏

乙卯遷涑水 十一月初六日喪妻楊氏

丙辰次女嫁樂氏

巳未渡還順天

中統元年庚申八月往真定

靜脩先生文集卷之九終

靜脩先生文集附錄

知容城縣事進賢伯猷方義壯校

文類

靜脩先生墓表

蘓天爵 集賢侍講學士

靜脩先生劉公塋容城縣易水之陰溝市里至正戊子縣尹賈侯始捐俸買石表諸墓書來請曰先生之歿五十有六年道德之懿風節之偉固多士之所景仰丘墓之寄是邑者旁無宗人守護曩自下車率僚吏諸生拜而祠之恭脩封樹以限樵牧又將建石琢

辭彰示悠久庶來者聞風興起焉天爵伏念自聖賢之學不傳禮義廉恥之風日泯至宋伊洛大儒克紹其緒然而廢棄于紹聖禁錮于崇寧而中原已為金人有矣方是時士之慕功名者溺于富貴之歆工文藝者汨于聲律之陋其能明乎聖賢之學嚴乎出處之義蓋不多見也我國家治平方臻真元會合振人斯生有若靜脩先生者出焉氣清而志豪才高而識正道義孚于鄉邦風采聞于朝野其學本諸周程而於邵子觀物之書深有契焉惜乎立朝不及數旬享年不滿五十迄今孺子遠人皆知傳誦姓字是豈

聲音笑貌所能致欵宜述其德以表于墓奈何先生既歿行業未有紀述故雖作者不能措辭今謹攷求遺文掇其出處大節一二而為之書尚稱賈侯尊賢尚德之心乎按先生諱因字夢吉保定容城人世為儒家五世祖琮生敦武柔尉臨洮府錄事判官昉七生奉諫大夫中山府錄事侯七生秉善金貞祐中南徙其弟國寶登興定進士第終奉直大夫樞密院經歷秉善上世是為先生之父壬辰北歸刻意問學尤邃性理之說獨好長嘯嘗游西山當秋風木落時作一曲而感慨係之中統初左三部尚書劉公肅宣撫

真定壁武邑令以言辭歸先生將生之夕父夢神人馬載一兒至其家曰善養之既覺而生乃名曰駟字夢驥後改今名及字先生天資絕人三歲識書日記千百言隨目所見皆能成誦六歲能詩十歲能屬文落筆驚人故國子司業硯公彌堅教授真定先生從之游同舍生皆莫能及獨中山滕公安上差可比硯公皆異待之謂先生父曰令子經學貫通文詞浩翰當為名儒初先生之父四十猶未有子乃曰天果使余無子則已有子必令讀書故自真定還居保定謝絕交朋專務教子先生年未弱冠才器超卓日閱方

冊思得如古人者友之常作希聖解吊荆軻文豪邁不羈之氣可想見也鄉間老儒說經止傳疏義為文盡習律賦聞先生講貫閱先生論著始則謗訕久亦敏服先生杜門授徒溪居簡出性不苟合不妄接人保定密迩京邑公卿使過者衆聞先生名往來謁先生遜避不與相見不知者或以為傲先生弗恤也王師伐宋先生作渡江賦以哀之數欲南游江湖覽觀儒先名延而不果常夢諸葛孔明靜以脩身之語表所居曰靜脩間遊郎山雷溪又号雷溪真隱先是京師有曰田尚書者西域貴族頗尚文學聞先生名

厚禮請教其子先生以水齧先墓迂避之不及往既而易州何公瑋辭兩淮鹽使奉親家居藏書萬卷亦以教子為請先生平居苦無書讀又樂易之風土遂允其請三年即歸何公贄以銀幣皆謝不受

世祖皇帝自居潛藩大召諸儒講求治道及踐

天位姚文獻公樞許文正公衡 獻公果高文定公

挺皆列臺省而憲章文物號盛治者非偶然也久之諸公相繼告老當國者急於功利儒者之言弗獲其進用時先生年雖甚富聲問已彰中朝賢士大夫多稱譽之故相文貞王不忽木薦之尤力至元十有九

年朝政更新有 詔徵起先生于家擢拜承德郎右

贊善大夫初

裕皇建學宮中命贊善大夫王公恂教近侍子弟恂卒繼者難其人乃以先生嗣其教事未幾母感風疾即日辭歸明年母卒治喪合禮二十八年朝政又一新更新復遣使者以集賢學士嘉議大夫來徵先生以疾固辭不起

世祖聞之亦曰古有所不召之臣其斯人之徒欤明年國子助教吳昉陳書于朝薦先生為國子祭酒士論高之三十年夏四月十有六日先生終于容城春

秋四十有五海內聞之無不嗟悼曾祖妣邊氏祖妣陳氏妣楊氏繼妣某氏配郭氏一子曰和早卒三女俱適名族先生早喪父母事繼母孝以父祖之喪未葬獻書先友翰林待制楊公恕楊公憐而助之克襄大事家雖甚貧非其道義一毫不取於人先生師道尊嚴學子造門隨其材品而教焉講說諸經理明義正聽者心領神會初朱子之於四書凡諸人問答與集註有異同者不及訂歸于一而卒或者輯為四書集義數萬言先生病其太繁擇為精要三十卷簡嚴粹精實于集註有所發焉有詩五卷號丁亥集先生

所選常自諷詠復取他文焚之今所傳文集十餘卷得于門生故友然不為空言皆有補於世教其他小學四書語錄亦皆門生所錄惟易繫辭說乃先生病中筆之親授其徒者也先生每以後世史官不明義理脩辭之際輕為增損使忠臣義士之心不得裸白于世常曰若將字上論心術則受屈者多矣先生之亡未久吳明復進言于朝曰風俗之薄久矣士之處世不自貴重聞人譽已喜見顏色不復知有廉恥等事何則欲動于中利奪乎外故也伏見故處士劉因隱居教授不求聞達授以三品清要之官辭而不顧

若蒙賜謚贈官庶幾息奔競悖風化士類知所懲焉
延祐中始贈先生翰林學士資德大夫上護軍追封
容城郡公謚文靖是後中外風紀儒臣咸以先生礪
俗興化有功昭代宜如許文正公從祀夫子廟廷禮
官會議亦皆曰可而當跖者未遑行也嗚呼天之生
賢也豈無意乎自義理之學不競名節墮頽凡在有
官見利則動有國家者欲圖安寧長久之治必崇禮
義廉耻之風敷求碩儒闡明正學彰示好惡之心作
新觀聽之幾使人人知有禮義耻廉之實不為奔競
僥倖之習則風俗淳而善類興朝廷正而天下治世

祖皇帝再三聘召先生者以其是欵天爵之生也後
不獲見先生及游城均得臨川吳文正公澄為之師
吳公於海內諸儒家慎許可獨知尊敬先生豈其問
學出處道同而志合欵當 國朝龍興之初歲在己
酉二月先生生于保定吳文正公亦以是歲正月生
于臨川是時南北未一天已生斯大賢他日輔贊國
家文明之治吳公年八十餘方終著書立言盛傳于
時先生早歲去世雖不及大有著述然風節凜天下
慕之扶世立教之功大矣賈侯由進士入官治邑有
聲獨能訪求先賢遺跡而表章之其於風勵俗化悖

青
崇名教誠非小補云是歲春三月甲子後學蕪天爵
述

薦劉先生充國子祭酒書

吳明國子助教

國子助教吳明謹端拜奉書中書政府閣下明所以
拜狀者蓋非敢出位犯分妄論國家之事亦無非理
干犯覬覦之心第以監學一事職分所當言者故不
避嫌疑以道其詳望閣下垂聽伏惟 國家自至元
二十四年建立國子監學設生員二百名初一品至
三品朝士子孫許令肄業選師儒以陳其教訓之方

置僚吏以備參佐之任日課給內府之紙墨餼廩出
太倉之米監下至席簞炭薪一切所須之物莫不官
為供給此實 國朝之盛事漢唐所不及者爰自立
學迄今五年而士不加多俗不加變悠悠之靡仁僅存
虛名近因學舍空虛生徒零落準呈省劄加至五品
子弟悉許入學榜諭日久略無所增日者御史建言
又以所設為不廣復請自五品以下與凡民俊秀並
聽補負此固國之重務不可不廣其規模雖然其所
以士不加多俗不加變者實有所自何則蓋學官者
多士之範模人材之像則誠得其人不患不立且如

卑職者資性庸鄙學問空疎聞望未徹於里閭姓名
不挂於士類偶偕計吏濫廁膠庠既非出類拔萃之
才安有立教明倫之術始緣升斗以餬口終非道義
以處心雖一已不能自脩而國人何所矜式此風教
所以隳廢而人材所以壞也居是任者自非學明行
脩德尊望重士流之所嚮慕學者之所趨依何以興
起文風作成賢秀變化禮俗者哉乃者屬聞新政更
化以來賢相登庸舊弊盡革百工庶務得人內外諸
司既無不稱遠求隱逸以補闕遺首以前太子替善
大夫保定處士劉公夢吉為集賢學士所謂舉逸民

天下趨心者也搢紳帝布想望風采披青雲而瞻
眉宇者且候於燕之南趙之北矣安車駟馬捧丹詔
以南行鶴怨猿驚持移文而北返不知者謂山人之
索價而知者謂蠱之上九處士所以賢也愚謂一者
皆非也蓋嘗聞之儒者學乎孔孟者也孔孟去魯適
衛事齊游梁無君遑々出疆載質夫聖賢汲々如是
者何哉正伊尹所謂與水處畎畝之中以樂堯舜之
道豈若使吾君為堯舜之君吾民為堯舜之民哉天
之生斯民也使先知覺後知先覺覺後覺予天民之
先覺者也予將以斯道覺斯民也非予覺之而誰也

故先聖後聖其歸一揆孔孟自任既如此其重是安
得一日而安於逸豫哉今劉公冠儒冠衣儒服學孔
孟志伊尹者也學儒而不宗孔孟愚未知其說也雖
然劉公豈不仕哉又惡不由其道但不肯苟進耳先
是春官以贊善召一命而起其去也毋以老辭是其
去就皆有可說夫何以集賢待從之尊反為之拒哉
若以今日不起為是前日之起為非矣乃知公於進
退之間必有所未宜者但衆人不察其所以然咸以
不起為是愈賢其為人欲遂其高尚之志若是則僅
可矣愚請據理論之夫 朝廷以劉公之賢也自五

品而陞三品由宮臣而置諸侍從其意以為不若是
則不足以致斯人此意誠善然恐得其一未得其二
何者蓋集賢之任雖係瀛洲之選然僚屬既衆所任
不專名分雖高職守未重此公之所以不苟起也况
既已受訖 朝命無獨善之意但以疾病為辭亦規
朝廷所以處之何如耳然則當以何官而可乎意者
劉公平日聚徒教授端莊嚴毅素以師道自居其意
固常以教養人材為已任海內聞人亦以師道推許
謂自魯齋之後其道業學術未見出其右者夫魯齋
以左轄而不居甘心於祭酒者豈以與聞國政不若

教學之貴乎此正合乎古人所謂得天下英才而教
育是其一樂之意今若以魯齊罷政故事待公庶有
可起之理誠如是也不惟尊賢之道於禮為宜將使
四方學徒有仰韓之望國子監為不寂寞矣若此舉
不起是不以孔孟出處為法則必別有一種義理實
非愚下所能測也飲牛洗耳荷蓀耦耕於道當然孔
孟為之矣孔孟既不為孰謂劉公舍彛倫而肯與鳥
獸群哉竊意劉公若知愚言必當秣馬膏車待詔於
保定北門之外愚之屑上為是計者一則為賢者不
起無以塞士大夫之望二則為監學狼藉如此非鴻

儒碩德振舉其綱將見淪胥頽壞不可救藥必至斯
文盡喪而後已此明之所以不避僭越妄意于求管
見之愚實有不獲已者其所允否則在廟堂鈞裁望
恕其唐突之愚幸甚明頓首再拜至元二十九年正
月初六日上

請劉先生教子疏

田尚書

竊以浚聖人日夜之思不如學也制桐子善惡之命
時惟師哉凡期進業之精必就有道而正伏惟夢吉
先生兩儀間氣四海英才初學語則字識於之無及

講書則經明其旨趣料總角之時必至於聳壑甫弱
冠之日俄駭其能文河傾萬卷之腸筆掃千軍之陣
士類知畏公論有歸道積厥躬白壁拉連城之價聲
聞于外良金難衆口之銷其有豚犬輩性止中庸席
虛善誘敢望加諸陶鑄之力庶可達於成就之途各
習聖經動循天理蓋素志實在於是會先生將安之
乎謹遣某人持疏上請早賜俞音幸毋多讓謹疏

請夢吉先生教子疏

何瑋兩淮運使

竊以景星鳳凰爭覩治平之瑞秋陽江漢亦資濯暴

之功是知莘野天民不拒互鄉童子伏惟夢吉先生
天資穎悟風操崛竒馳聲鎖闥之間晦迹衡門之下
沈潛抱負志學期於聖賢發見輝光詩文復於騷雅
冀歲罷待時之日溥傳道解惑之心故仰瀆於仞墻
願俯垂於金諾燕山改色載瞻伊落之風易水增明
顯俟河汾之教輒申卑懇傾聽來音謹疏

挽夢吉詩

滕安上國子句業

天才如水氣如蜺十里真堪一息馳幼歲襟期希聖
解暮年志趣和陶詩意長日短終成恨病與閒宜匪

好竒免向西齋同夜宿
微言還有故人知

祭劉先生文

安熙真定處士

維至元三十一年歲次甲午六月庚申朔越四日癸未
後學鎮州安熙謹以茶果清酌之奠致祭于集賢
學士沈翁先生之靈嗚呼哀哉山頽梁壞天不憇遺
生榮死哀孰不摧暮嗚呼哀哉熙也晚學無知幸蒙
私淑勉勵志于茲七年顧以鈍駑鞭繩罔及學不
加進願隋無成尚企宮墻灑掃函丈親承警歛天啟
愚衷難期不就此志俾茲凡陋抱恨終天嗚呼

痛哉惟先生至誠樂育憐熙之愚欲收教之謂來
當來政此間適斯言在耳耿耿如存今其已矣將安
放矣先生此恩何日忘之茲烏奔赴奉奠以贊舉觴
以勸薦此哀誠嗚呼痛哉仰止前脩精思力造親賢
取友進德脩業熙雖不肖敢負初心伏惟先生寔監
臨之嗚呼痛哉尚饗

靜脩先生壙記

杜蕭河南儒學提舉

有元靜脩先生劉公諱因字夢吉雄州容城人父諱
述母楊氏己酉年二月九日生年甫弱冠其學行已

青仙文集 卷之十一 三十一
名當世至元二十年

裕宗皇帝方位東宮以承德郎右贊善大夫召至京師未幾薨歸二十八年

世宗皇帝徵為集賢學士嘉議大夫不起事載國史三十年四月十有六日終二十日葬縣之溝市里先塋時年四十五有文集二十二卷行於世娶平定州判官郭某之女浚先生八年卒子男和子蚤卒女三長仲皆適名族季尚幼大德五年歲次辛丑清明前一日門生杜蕭誌

書靜脩先生碑陰

題賜樞密叅議

天地生萬物而獨異於人主人也而獨異於君子不有君子之生其振於萬物之表以為衆人之楷則乎君子之生其取諸造物者為多是以四海之遐數百歲之久乃特起於其間獨其百年之身則無擇於衆人者邈然以生而溘然以死故人常慕其生而不忘其死也 元有君子曰靜脩先生者生於保定之容城道德之蘊實魯雖聖賢相傳之絕學風誼節槩則孤竹伯子之清也所謂萬人之傑百世之師者歟其生也足蹟不出燕趙而風采聞乎天下自處不離布

衣而貴尚軼於王公其歿今已久矣得年四十有五
傍無期功之親以奉其烝嘗以守其窀穸此人人所
以思之不足而繼以太息也然死而不朽有不尚乎
其年沒而有述有不賴乎其子孫者既已得之矣彼
世俗之陳人隨萬物以漸盡雖其生息禪續於蚩
之群其與蜂螳蛟蚋聚散起滅於天地之間而曾不
足為輕重者何以異哉為君子者寧不以此而易彼
也五十餘年過其里則世望其墓則下者不知其幾
人房山賈君來為其縣之大夫不徒式其里且有以
尸祝之不徒下其墓而且有以壤樹之既又求趙群

集賢學士蘓公河東僉事揚公為文以刻其祠庭墓
道之石以抒其思以告其人以風厲其俗而佐其興
起之心賈君其賢矣哉君之先府君嘗執經先生之
門故其用心也勤蘓集賢揚河東其於先生之道則
皆聞而知之者也故其為說也詳石以具走介如京
師求賜書賜非善書者竊嘗望先生於千里之外數
十年之前慨然有生晚之歎賈君又故人也無一
言以寫其區々以塞故人之請乎遂書此請列于碑
陰云奉訓大夫叅議樞密院事後學歸賜書

創建靜脩祠堂疏

王理江西廉訪副使

保定踞容城縣容城鄉尊賢莊脩建靜脩先生祠者
伏謂天運不息聖學相傳不有其人孰開後覺故學
士文靖公劉先生道遵往聖德紹先賢蔚為儒者之
宗允屬斯文之望歷升孔堂之室瞻其奧突沂求伊
水之源極其涯涘遺榮好爵嘉遊清時既藏用於經
綸迺存心於刪述傾倒五經之笥愈出愈多考擊
六間之鐘輒叩輒應至無遠邇來如景從爰分亥豕
之文已歎龍蛇之歲人惟仰賴天不憚遺及築於場
已遇六年之久私淑其道宜淑五世之傳尊賢莊者

先生之桑梓在焉去溝市之鄙号易尊賢之佳名松
柏丸人手植斯在丘園奕人心賞攸淑野卉江花每
其歌吟之嘯傲淵魚鳥曾識杖屨之夷猶矧在吾
徒實親里閭芬芳言論式存簡冊之華輝映光儀尚
冀鬼神之格頃崇廟貌用示無忘往者劉仲永嚴仲
仁等蓋嘗稽揆礼文聿同鄉約營其爽塏以奠神居
雖基構之有崇尚脩飾之多闕今海等念良規之可
繼惜嘉事之靡終徒使學者生疑鄉人增慨因茲棟
宇用訖成功神像在堂庶行車之肯下周垣有鐫止
彼牧之來踰獨力未能或胥告于同志衆心既允允

靜修先生祠堂記
賢謹疏

靜脩先生祠堂記

楊俊民 河東廉訪僉事

道統肇於羲軒而極盛於文武乃若周召同為文王之子則皆見而知之國風首列二南之化其德固無優劣也周公封於魯傳五百餘歲而孔子生於其地又未百年而孟子生於比邑是知天道自西而東也明矣召公封於燕由有國而下歷二千餘歲而無一人可方孟氏者韓嬰盧植劉蕡輩章句彛華之流不足多也山川完固之氣不過泄為豪俠之助豈地靈清祕必待天道之歸而與賢邪

聖元立極朔方之四十四年為歲己酉而靜脩先生起燕之容城人品英邁不下孟子是名公之國生賢雖出後世原始要終抗衡東魯實賴先生而增重非近代諸子所可擬也自其將生已有異珥既誕而神采炯然甫成童進學之敏一日千里初為經學究訓詁疏釋之說輒驚嘆曰聖人精義殆不止此及得周程張邵朱呂之書一見能發其微曰豕固謂當有是也及評其學之所長而曰邵至大也周至精也程至

正也朱子極其大盡其精而貫之以正也是時先生年方弱冠而其造詣如此蓋問世之才上達之學天成自得振古之豪傑也孟子援舜之心曰象憂之憂象喜亦喜先生則曰惟見舜胷中有弟不見舜胷中有象孟子論夷惠之行曰伯夷隘柳下惠不恭先生則曰伯夷視四海願人皆永傳吾謂下惠隘此說君試求先生得時行道大闡文風衆人宗之如伊洛先生斥之曰老氏之術也詳具退齋記大儒創畫河圖肆為新說觀者神之如義王先生闢之曰是欲以天自處也詳具河圖辨先生憂見卓識出人意表或者

以為隱恠夫豈知稟剛健高明之資凝大中至正之道畜為粹德發為精辭氣蓋一世特立寡與是猶奏咸英於蛙吹之耳獻圭璋於瓦礫之目宜乎駭愕而未信也平昔極罕許可一聞孝忠節義族揚蹈厲若自已出偶及王維馮道輩唾罵百至怒猶未解泰山巖仁不足為高秋霜烈仁不足為嚴仰止風猷邈乎不可及也

裕皇育德春宮 詔起先生為贊善大夫未幾歸侍

母疾

世皇復以集賢學士名謝病不起天下咸高其操至

今稱道不衰惜乎啓手足之日年纔四十有五夭不
欲斯文興邪何奪先生之速也近年學者追述範世
之功請列從祀累章不報議者謂於經無所著述嗟
夫先生詩文無非六籍箋註惟善讀者知之先師子
安子曰吾每閱一過於經必有新得彼第以詩文視
之何啻千里初謚文靖後欲改如許文正之例執政
者曰渠安得儕許渠務獨善者爾是烏知先生之志
者哉欽惟
世皇聖慮浚遠徵先生翊儲君蓋歆他日相須猶向
之用許公也誠得

皇嗣臨大寶先生天假以年君臣都俞道合言溢
必能致王道之雍熙還風俗之淳厚俾儒者之效大
白於天下不但學者依歸而已奈何事與願違雖善
無徵徒貽獨善之誚豈非天乎墓在容城溝市里縣
大夫賈侯彛以集賢侍 講學士蘓公天爵之文表
其上里故有祠侯加崇飾徵記俊民俊民辭以道大
難名俾來數四期以必得共惟先生既終之五年俊
民始生稍長學于先師先師即先生私洲之造侯之
先府君執經先生函文侯能推庭訓之本以圖報德
俊民顧不可究師承所自以致力乎侯与俊民間學

既出一源登科又為同年故初讓而竟諾恐負在三
之羨有孤賢侯之望謹據管見以為詞記或疑先生
有禪名教在仁宜祠里人烏得而私也蓋不知孔廟
終漢之世不出闕里今祠即哀公立廟故宅之義將
采布列天下當自此始矧先生之神眷戀桑梓為多
則里祠固不滯而緩也族系贈爵具載于表字謹稱
號人所共知不書戒瀆也至正戊子六月丙寅朔渾
川學者楊俊民記

靜脩先生畫像贊

歐陽玄 翰林承旨

微點之狂而有沂上風雩之樂資由之勇而無北鄙
鼓瑟之聲於

禘皇之仁而見不可留之四皓以
世祖之略而遇不能致之兩生嗚呼麒麟鳳凰固宇
內之不常有也然而一鳴而六典作一出而春秋成
則其志不欲遺世而獨往也明矣亦將從周公孔子
之後為往聖繼絕學為來世開太平者也

奏請靜脩從祀孔子廟庭疏

張紹烈

一疏為崇儒重道事臣竊為致治莫大於重道重
道莫先於崇儒蓋儒所以重道而道所以致治也

荀儒不知崇固無以重夫道道不知重則治何由而善哉自古聖帝明王治莫能及者端在于此下此若漢武帝之好神仙梁武帝之尚佛老不惟無益於治而反招禍此其治所以不善也洪惟我朝丕隆治道儒無不用用無不專是以百年於茲矣天下久安人民康太未有不由崇儒重道以致之也臣惟元儒靜脩劉先生因七次奏請從祀孔子禮官未遑舉行曰汝若得時宜再奏請必有行者臣今年幾七十無能奮用清時恐靜脩祀遂泯以孤我

盛朝崇儒重道之意臣伏思劉因道明德立繼往開來有功名教實與許衡吳澄相匹者元史載有曰微點之狂而有沂上風雩之樂資由之勇而無北鄙鼓瑟之聲又曰麒麟鳳凰固宇宙之不常有也一鳴而六典作一出而春秋成又曰一得從孔子之后是以為往聖開來學為萬世開太平者也蘓天壽之為墓表揚俊民之為詞記元臣李世安董累章奏請從祀不能備述成化三年蒙準學士劉定之議準揚時事例行令容城建祠奉祀近揚時已蒙從祀而劉因亦宜準揚時例從祀孔為是如

蒙乞

勅禮部翰林院考劉因有功聖學與許衡吳澄楊時
而無忝則與許衡吳澄楊時從祀孔廟以謝天下
之公論庶崇儒重道之愈盛而隆致治於無疆矣
臣紹烈為此具本親賫謹具奏

聞

靜脩先生文集卷之十終



